

De Leontopodio. CAP. CXXXI.

LEONTOPODION duorum digitorum herbula est, foliola habens arcta, robusta, quaternum ferè aut etiam ternum digitorum longitudine, hirsuta, quæque radiei proxima sunt lanatiora & subalbida: capitula in summis caulis quasi perforata, in quibus flores nigri. Semen vero vsque adeo spissa lanugine obvolutum est, ut agrè deprehendi possit. Radix subiacet parua: quam etiam tradunt amuleti ratione alligatam ad amatoria prodeesse, tuberculaque discutere.

De Hippoglosso. CAP. CXXXII.

HIPPOGLOSSON pusillus est fruter, folia habens tenuis sylvestris myrti figura, comamque spinosam, & in summo ceu ligulas secundum folia exeentes. Coma caput dolentibus amuletum utile creditur. Malagmatis radix expressusque succus admiscetur.

De Antirrhino. CAP. CXXXIII.

ANTIRRHINON sive anarrhinon, ali qui etiam lychnida sylvestrem vocaverunt. Herba est caule foliisque anagallidi similis: floribus leucoijs, minoribus tamen, purpureis: ideo etiam sylvestris lychnis nominata est. Fructum vero gerit vituli narium similem, aspectu russem. Traditum hæc amuleti instar adalligata, malis medicamentis

Gg. j.

veneficiisque aduersari, iisque gratiam conciliare, qui ea cum oleo liliaceo cyprinovē peruncti fuerint.

De Catranace. CAP. CXXXIV.

EX Catranaces generibus vna folia habet longa ceu coronopi, radicem iuncī modo prætenuem: capitula sena septenāve, in quibus semen eruo simile. Arescens in terram curuatur, & se contrahit ad speciem vnguium milui exanimati. Altera mali paruæ magnitudinem explet, radice interim exiguae oliuæ magnitudine, foliis quoque oleæ figura & colore, mollibus, diuisis ac per terram stratis: semine in virgulis minuto, multis foraminibus pertuso, ciceris figura, puniceo. Vtranque narrant nonnulli in amatoria expeti, Thessalique mulieribus effe in vsu.

De Trspolio. CAP. CXXXV.

TRIPOLIVM in maritimis nascitur, ubi allidit vnda, viciſſimque retrò commeat: sed neque in mari, neque in siccō. Folia habet isatis, attamen crassiora: caulem palmarem & superna parte diuīsum. Eius flos ter die colorem mutare perhibetur: ita ut manè candidus, meridiē purpureus, vespri puniceus aspiciatur. Radix est alba, odorata, calidi gustus: que drachmis duabus in viro pota, aquas vrināmque per aluum extrahit.

hit. Conciditur & in medicamenta quæ A-
lexipharmacæ vocant.

De Adianto. CAP. CXXXVI.

ADIANTVM, aliis polytrichon, pūsilla
agerit folia, coriandri similia, in extre-
mo incisuris diuisa: virgulas verò è quibus
ea prodeunt nigro colore nitentes, præte-
nues & palmum altas: at neque thyrsum, ne-
que florem, neque semen profert: radix est
superacuta. Herba decoctum epotum, su-
spiriosis & alioqui ægre spiritum ducenti-
bus, felle suffusis, spleneticis & vrinæ dissi-
cultate laborantibus auxiliatur. Calculos
quoque frangit, aluum sistit, & venenato-
rum morsibus resistit: contra stomachi flu-
xiones in vino bibitur: menstrua ciet, & que
à puerperio purgamenta relinquuntur: sed
& sanguinis reiectionem inhibet. Contra
venenatorum morsus herba cruda illinitur:
alopecias eadem densat, strumāisque dissipat.
Ex lixiuio, furfures & manantia capitis vl-
cera detergendo exterit. Cum ladano au-
tem ac myrtino & fusino, aut etiam cœsylo
ac vino, desfluentes capillos cohibet atque
confirmat: sed & affrictum eius deco-
ctum cum lixiuio & vino, idem præstat.
Facit & gallinaceos & coturnices pu-
gnaciores, in cibum eorum additum:

Gg ij.

circa ouilia quoque, pecorum vtilitatis gracia, plantatur. Caeterum vmbrosis & palustribus locis & in parietibus aspergine humentibus, circaque fontes prouenit.

De Trichomane. CAP. CXXXVII.

TRICHOMANES, quod & nonnulli adiantum appellant, locis iisdem nascitur, filici simile, at longe exilius; foliis tenuibus, ordine vtrinque dispositis, lenticulæ similibus, aduersis inter se, in virgulis itidem tenuibus, splendentibus, nigris antibus, iisque acerbis. Eadem qua & modò dictum adiantum præstare posse ereditur.

De Xanthio. CAP. CXXXVIII.

XANTHIVM, alij phasganon, alij anthesion, alij chascanon, alij chœradolethron, [quasi strumatum perniciem] aliqui & aparinen vocant. Nascitur læto & pingui solo, itemque in paludibus exiccatis, caule cubitali, pingui, anguloso, & prodeuntibus ex eo aliis compluribus: folia vero habet atriplicis, incisuras habentia, nasturtium odore imitantia: fructum teretem, grandis oliuæ instar, & platanii pilularum modo spinosum, qui quidem contactu vestibus adhaerescit. Is antè collectus quam perfectè siccescat, deinde tusus & fustili vase reconditus, flauos facit capillos: siquidem, cum vsus exigit, eius sextarij semissim aqua tepida

cepida diluas, moxque eo caput nitro ante perficitum illinas. Sunt & qui in vino tundant, itaque asseruent. Ceterum fructus commodè quoque cedematis imponitur.

De Ägilope sine festucas.

CAP. CXXXIX.

AEGLOP's, herbula est folia tritici habens, sed molliora, & in summo capite semina suis inclusa folliculis bina ternave rubra, è quibus aristæ veluti capillaceæ ex-eunt. Herba cum farina imposita, sanat ägilopas, duritiásque discutit. Ad eadem succus cum farina permixtus siccatusq; reconditur.

De Bromo. CAP. CXL.

BROMVS, herba est Ägilopi similis, excicatoriam vim habens. Quamobrem si cum radicibus in aqua detequatur ad tertias, iurique colato par modus mellis admisceatur, rursumque discoquatur dum mellis crassitudo fiat, medicamentum parabitur; quo quidem imbutum linteum & naribus etiam per se inditum, ad graueolentia narium vlcera erit efficax. Sunt qui tritam a-loën addant, eodemque modo vtantur. Ceterum cum rosis siccis in vino decocta, grauem oris halitum emendat.

De Glance. CAP. CXLI.

GLAX foliis cytiso aut lenticulæ similiis est, quæ quidem superne videntur,

Gg. iii.